

東坡集

一



據中國國家圖書館藏宋刻  
本影印原書版框高二十  
一·一釐米寬十三·七釐米

錫山

東坡集卷第...

詩九十九首

虎丘寺

入門無平田石路穿細嶺陰風生澗壑古木翳潭井湛盧誰  
復見秋水光耿耿鐵花秀巖壁殺氣噤蛙黾幽幽生公堂左  
右立頑曠當年或未信異類服精猛胡為百歲後仙鬼互馳  
騁窈然留清詩讀者為悲哽東軒有佳致雲水麗千頃熙熙  
覽生物春意破凄冷我來屬無事暖日相與永喜鵲翻初旦  
愁鳶蹲落景坐見漁樵還新月溪上影悟彼良自哈歸田行  
可請

常潤道中有懷錢塘寄述古五首

從來直道不辜身得向西湖兩過春沂上已成曾點服泮宮  
初采魯侯芹休驚歲歲年年貌且對朝朝莫莫人細雨晴時  
一百六畫船鼉鼓莫違民

草長江南鷺亂飛年來事事與心違花開後院還空落燕入  
華堂怪未歸世上功名何日是罇前點檢幾人非去年柳絮  
飛時節記得金籠放雪衣放人以放鵠為太守壽

浮玉山頭日日風即金山湧金門外已春融二年魚鳥渾相識  
三月鸞花付與公刺看新翻眉倒暈未應泣別臉消紅何人  
織得相思字寄與江邊北向鴻

國艷天饒酒半酣去年同賞寄僧簷但知撲撲晴香軟誰見  
森森曉態嚴穀雨共驚無幾日蜜蜂未許輒先甜應須火急  
迴征棹一片詞枝可得黏

惠山泉下土如濡陽羨溪頭米勝珠賣劍買牛吾欲老殺雞

世昌

同書

新

同

為忝子來無地偏不信容高蓋俗儉真堪着腐儒莫怪江南  
苦留滯經營身計一生迂

刁景純賞瑞香花憶先朝侍宴次韻

上苑天桃自作行劉郎去後幾回芳獸從年少追新賞闕對  
宮花識舊香欲贈佳人非泛洎好紉幽佩弔沉湘鶴林神女  
無消息為問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜竹老戴公  
山下野桃香巖頭足練兼天靜泉底真珠賤客忙安得道人  
攜笛去一聲吹裂翠崖岡

景純見和復次韻贈之二首

解組歸來道益光坐看百物自炎涼卷簾堂上檀槽鬧送客  
林間樺燭香淺量已愁當酒怯非才尤覺和詩忙何人貪佩  
黃金印千柱耽耽鎖北岡

人間膏火正爭光每到藏春得暫涼多事始知田舍好凶年  
偏覺野蔬香溪山勝畫徒能說來往如梭為底忙老去此身  
無處著為翁栽插萬松岡

柳子玉亦見和因以送之兼寄其兄子璋道人

不羨嘗金照地光暫時假面弄西涼晴窗燕日肝腸暖古殿  
朝真履袖香說靜故知猶有動無閑底處更求忙先生官罷  
乘風去何用區區賦陟岡

子玉家宴用前韻見寄復答之

自酌金樽勸孟光更教長笛奏伊涼子玉家宴有笛牽衣兒女遠太  
白扇枕郎君煩阿香詩病逢春轉深痼愁魔得酒暫奔忙醒

時情味吾能說日在西南白草岡

景純復以二篇一言其亡兄與伯父同年之契一言  
今者唱酬之意仍次其韻

靈壽扶來似孔光感時懷舊一悲涼蟾枝不獨同攀桂雞舌  
還應共賜香亦同為郎等是浮休無得喪粗分憂樂有閑忙年來  
世事如波浪鬱鬱誰知柏在岡

屢把鈇刀齒步光更遭華袞照厓涼蘇門山上莫長嘯詹匄  
林中無別香燭燼已殘中夜刻槐花還似昔年忙背城借一  
吾何敢慎莫樽前替戾岡

金山寺與柳子玉飲大醉卧寶覺禪榻夜分方醒書  
其壁

惡酒如惡人相攻劇刀箭頽然一塌上勝之以不戰詩翁氣  
東坡集卷六  
雄拔禪老語清軟我醉都不知但覺紅綠眩醒時江月墮撼  
撼風響變惟有一龕燈二豪俱不見

大風留金山兩日

塔上一鈴獨自語明日顛風當斷渡朝來白浪打蒼崖倒射  
軒窗作飛雨龍驤萬斛不敢過漁艇一葉從掀舞細思城市  
有底忙却笑蛟龍為誰怒無事久留童僕怪此風聊得妻孥  
許瀟山道人獨何事半夜不眠聽粥鼓

監洞霄宮俞康直郎中所居四詠

退圃

百丈休牽上瀨舩一鈎歸釣縮頭鱗園中草木春無數只有

黃楊厄閏年

俗說黃楊厄閏年三長一

逸堂

新第誰來作並鄰舊官寧復憶星辰請君置酒吾當賀知向  
江湖拜散人

遯軒

冠蓋相望起隱淪先生那得老江村古來真遯何曾遯笑殺  
逾垣與閉門

遠樓

西山煙雨卷疎簾北戶星河落短簷不獨江天解空闊地偏  
心遠似陶潛

遊鶴林招隱二首

郊原雨初霽春物有餘妍古寺滿脩竹深林聞杜鵑睡餘柳  
花墮目眩山櫻然西窻有病客危坐看香煙

行歌白雲嶺坐咏脩竹林風輕花自落日薄山半陰澗草誰

三五五八

東坡集六

四

卷一

復識聞香杏難尋時見城市人幽居惜未深

書普慈長老壁

志誠

普慈寺後千竿竹醉裏曾看碧玉椽倦客再遊行老矣高僧  
一笑故依然久叅白足知禪味苦馱黃公鳥名聒晝眠惟有兩  
株紅百葉晚來猶得向人妍

書焦山綸長老壁

法師住焦山而實未嘗住我來輒問法法師了無語法師非  
無語不知所答故君看頭與足本自安冠履譬如長鬚人不  
以長爲苦一旦或人問每睡安所措歸來被上下一夜着無  
處展轉遂達晨意欲盡鐻去此言雖鄙淺故自有深趣持此  
問法師法師一笑許

刁景純席上和謝生二首

悞入仙人碧玉壺一歡那復間親踈杯盤狼藉吾何敢車騎  
雍容子甚都此夜新聲聞北里他年故事紀南徐欲窮風月  
三千界願化人天百億軀

縱飲誰能問挈壺不知門外曉星踈綺羅勝事齊三閣賓主  
談鋒敵兩都榻畔煙花常歎杜海中童非尚追徐母多酌我  
公須聽醉後癡狂膽滿軀

留別金山寶覺圓通二長老

沐罷巾冠快晚涼睡餘齒頰帶茶香艤舟北岸何時渡晞髮  
東軒未肯忙康濟此身殊有道醫治外物本無方風流二老  
長還往顧我歸期尚渺茫

無錫道中賦水車

翻翻聯聯銜尾鴉犖犖确确蛭骨蛇分畦翠浪走雲陣刺水  
綠鍼抽稻牙洞庭五月欲飛沙鼃鳴窟中如打衙天公不見  
老翁泣喚取阿香推雷車

多十八

東坡六

五

九

杭州牡丹開時僕猶在常潤周令作詩見寄次其韻  
復次一首送赴闕

羞歸應爲負花期已是成陰結子時與物寡情憐我老遣春  
無恨賴君詩玉臺不見朝酣酒金縷猶歌空折枝從此年年  
定相見欲師老圃問樊遲  
莫負黃花九日期人生窮達可無時十年且就三都賦萬戶  
終輕千首詩天靜傷鴻猶戢翼月明驚鵲未安枝君看六月  
河無水萬斛龍驤到自遲

蘇州閭丘江君一家雨中飲酒二首

小圃陰陰遍灑塵方塘瀲灩欲生紋已煩仙袂來行雨莫遣

歌聲使駐雲肯對綺羅辭白酒試將文字惱紅裙今宵記取  
醒時節點滴空堦獨自聞

五紀歸來鬢未霜十眉環列坐生光喚舡渡口迎秋女駐馬  
橋邊問秦娘曾把四絃娛白傅敢將百草關吳王從今却笑  
風流守畫戟空凝宴寢香

次韻沈長官二首

家山何在兩忘歸杯酒相逢慎勿違不獨飯山嘲我瘦也應  
糠覈怪君肥

男婚已畢女將歸累盡身輕志莫違誰道山中食無肉玉池  
清水自生肥

造物知吾久念歸似憐衰病不相違風來震澤帆初飽雨入  
松江水漸肥

東坡集六

六

戲書吳江三賢畫像三首

誰將射御教吳兒長笑申公爲夏姬却遣姑蘇有麋鹿更憐  
夫子得西施

范蠡

浮世功勞食與眠季鷹真得水中仙不須更說知機早直爲  
鱸魚也自賢

張翰

千首文章二頃田囊中未有一錢看却因養得能言鴨驚破  
王孫金彈丸

陸龜蒙

和劉孝叔會虎丘時王規甫齋素祈雨不至二首

白簡威猶凜青山興已穰鶴閑雲作斃駝卧草埋峯跪履若  
可教卜鄰應見容因公問回老何處定相逢  
太常齋未解不肯對纖穠只遣三千履來遊十二峯林空苔  
清唱潭淨寫衰容歸去瑤臺路還應月下逢



過永樂文長老已卒

初驚鶴瘦不可識旋覺雲歸無處尋三過門間老病死一彈指頃去來今存亡慣見渾無淚鄉井難忘尚有心欲向錢塘訪圓澤葛洪川畔待秋深

贈張刁二老

兩邦山水未淒涼二老風流摠健強共成一百七十歲各飲三萬六千場藏春塢裏鶯花鬧仁壽橋邊日月長惟有詩人被磨折金釵零落不成行

去年秋偶遊寶山上方入一小院闐然無人有僧隱几低頭讀書與之語漠然不甚對問其鄰之僧曰此雲閣梨也不出十五年矣今年六月自常潤還復至其室則死葬數月矣作詩題其壁

雲師來寶山一住十五秋讀書常閉戶客至不舉頭去年造其室清坐忘百憂我初無言說師亦無對酬今來復扣門空房但颼颼云已滅無餘薪盡火不留却疑此室中嘗有斯人不所遇孰非夢事過吾何求

聽僧昭素琴

至和無攫醜至平無按抑不知微妙聲究竟何從出散我不平氣洗我不和心此心知有在尚復此微吟

僧惠勤初罷僧職

軒軒青田鶴鬱鬱在樊籠既為物所縻遂與吾輩同今來始謝去萬事一笑空新詩如洗出不受外垢蒙清風入齒牙出語如風松霜鬚茁病骨飢坐聽午鍾非詩能窮人窮者詩乃工此語信不妄吾聞諸醉翁

遊靈隱高峯塔

言遊高峯塔葺食治野裝火雲秋未衰及此初旦涼霧霏巖  
谷暗日出草木香嘉我同來入久便雲水鄉相勸小舉足前  
路高且長古松攀龍蛇怪石坐牛羊漸聞鍾磬音飛鳥皆下  
翔入門空無有雲海浩茫茫惟見聾道人老病時絕糧問年  
笑不荅但指穴藜牀心知不復來欲歸更傍徨贈別留尺布  
今歲天早霜

八月十七日天竺山送桂花分贈元素

月缺霜濃細蘂乾此花元屬桂堂仙鷲峯子落驚前夜蟾窟  
投空記昔年破滅山僧憐耿介練裙溪女鬪清妍願公採擷  
紉幽佩莫遣孤芳老澗邊

捕蝗至浮雲嶺山行疲苦有懷子由第二首

東坡集卷六

八

四百三十

康

西來煙陣塞空虛灑遍秋田雨不如新法清平那有此老身  
窮苦自招渠無人可訴烏銜肉憶弟難憑犬寄書自笑迂踈  
皆此類區區猶欲理蝗餘

霜風漸欲作重陽熠熠溪邊野菊黃又廢山行疲筆確尚能  
村醉舞淋浪獨眠林下夢魂好回首人間憂患長殺馬毀車  
從此逝子來何處問行藏

青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青牛嶺崖泉  
咽咽千山靜君勿笑老僧耳聾喚不聞百年俱是可憐人明  
朝且復城中去白雲却在題詩處

新城陳氏園次晁補之韻

荒涼廢圃秋寂歷幽花晚山城已窮僻况與城相遠我來亦

何事徒倚望雲巖不見苦吟人清樽爲誰滿

梅聖俞詩集中有毛長官者今於潛令國華也聖俞沒十五年而君猶爲令捕蝗至其邑作詩戲之

詩翁惟悴老一官厭見首宿堆青盤歸來羞澁對妻子自比鮎魚緣竹竿今君滯留生二毛飽聽衙鼓眠黃紬更將嘲笑調朋友人道猕猴騎土牛願君恰似高常侍斬足爲小邑仍刺史不願君爲孟浩然却遭明主放還山官遊逢此歲年惡飛蝗來時半天黑羨君封境稻如雲蝗自識人人不識

與毛令方尉遊西菩寺二首

推擠不去已三年魚鳥依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須刪

東坡六

九

上

路轉山腰足未移水清石瘦便能竒白雲自占東西嶺明月誰分上下池黑黍黃梁初熟後朱柑綠橘半甜時人生此樂須天賦莫遣兒曹取次知

聽賢師琴

大絃春溫和且平小絃廉折亮以清平生未識宮與角但聞牛鳴盎中雉登木門前剥啄誰扣門山僧未閑君勿瞋歸家且覓千斛水淨洗從來筆笛耳

贈寫真何充秀才

君不見潞州別駕眼如電左手挂弓橫撚箭又不見雪中騎驢孟浩然皺眉吟詩背聳山飢寒富貴兩安在空有遺像留人間此身常擬同外物浮雲變化無蹤迹問君何苦寫我真君言好之聊自適黃冠野服山家容意欲置我山巖中勲名

將相今何限往寫褒公與鄂公

回先生過湖州東林沈氏飲醉以石榴皮書其家東  
老庵之壁云西鄰已富憂不足東老雖貧樂有餘白  
酒釀來因好客黃金散盡為收書西蜀和仲聞而次  
其韻三首東老沈氏之老自謂也湖人因以名之其  
子偕作詩有可觀者

世俗何知貧是病神仙可學道之餘但知白酒留佳客不問  
黃公覓素書

符離道士晨興際華岳先生尸解餘忽見黃庭丹篆句猶傳  
青紙小朱書

淒涼雨露三年後騶騎塵埃數字餘至用榴皮綠底事中書  
君豈不中書

三百五十一

東坡集六

十

其

李行中秀才醉眠亭

已向閑中作地仙更於酒裏得天全從教世路風波惡賀監  
偏工水底眠

君且歸休我欲眠人言此語出天然醉中對客眠何害須信  
陶潛未苦賢

孝先風味也堪憐肯為周公晝日眠枕麴先生猶笑汝枉將  
空腹貯遺編

甘露寺彈箏

多景樓上彈神曲欲斷哀絃再三促江妃出聽霧雨愁白浪  
翻空動浮玉金山名喚取吾家雙鳳槽遣作三峽孤猿號與君  
合奏芳春調啄木飛來霜樹杪

單同年求德興俞氏聚遠樓詩三首

雲山煙水苦難親  
野草幽花各自春  
賴有高樓能聚遠  
一時收拾與閑人

無限青山散不收  
雲奔浪卷入簾鉤  
直將眼力爲疆界  
何啻人間萬戶侯

聞說樓居似地仙  
不知門外有塵寰  
幽人隱几寂無語  
心在飛鴻滅沒間

平山堂次王居卿祠部韻

高會日陪山簡醉  
狂言屢發次公醒  
酒如人面天然白  
山向吾曹分外清  
江上飛雲來北固  
檻前脩竹憶南屏  
六朝興廢餘丘壠  
空使姦雄笑寧馨

次韻陳海州書懷

鬱鬱蒼梧海上山

東海鬱州山云自蒼梧浮來

蓬萊方丈有無間  
舊聞草

引七一九

東坡集卷六

十一

濟

木皆仙藥欲棄妻孥守市闌  
雅志未成空自歎  
故人相對若爲顏  
酒醒却憶兒童事  
長恨雙鳧去莫攀

陳曾令卿邑

次韻陳海州乘槎亭

人事無涯生有涯  
逝將歸釣漢江槎  
乘桴我欲從安石  
遁世誰能識子嗟  
日上紅波浮碧巘  
潮來白浪卷青沙  
清談美景雙竒絕  
不覺歸鞍帶月華

次韻孫職方蒼梧山

蒼梧竒事豈虛傳  
荒怪還須問子年  
遠託鼇頭轉滄海  
來依鵬背負青天  
或云靈境歸賢者  
又恐神功亦偶然  
聞道新春恣遊覽  
羨君平地作飛仙

次韻孫巨源寄漣水李盛二著作并以見寄五絕

南嶽諸劉豈易逢  
相望無復馬牛風  
山公雖見無多子  
社燕

何由戀塞鴻

昔與巨源劉貢父劉莘老相遇於山陽自爾契闊惟巨源近者復相見於京口

高子晚歲終難進勇退當年正急流不獨二疎為可慕他時

當有景孫樓

巨源近離東海郡有景疎樓

漱石先生難可意

謂巨源

齧齧校尉久無朋

謂巨源

應知客路愁無

柰故遣吟詩調李陵

謂李君也

雲雨休排神女車忠州老病畏人誇詩豪正值安仁在空看

河陽滿縣花

咸為邑宰

膠西未到吾能說桑柘禾麻不見春不羨京塵騎馬客羨他

淮月弄舟人

王莽

漢家殊未識經綸入手功名事事新百尺穿成連夜井千金

購得解飛人

董卓

公業平時勸用儒諸公何事起相圖只言天下無健者豈信

車中有布乎

虎兒

舊聞老蚌生明珠未省老兔生於菟老兔自謂月中物不騎

快馬騎蟾蜍蟾蜍吧沙不肯行坐令青衫垂白鬚於菟駿猛

不類渠指揮黃熊駕黑龜丹砂紫麝不用塗眼光百步走妖

狐妖狐莫誇智有餘不勞搖牙咀爾徒

除夜病中贈段屯田

龍鐘三十九勞生已強半歲莫日斜時還為昔人歎

樂天詩云行年

三十九歲莫日斜時

今年一線在那復堪把玩欲起強持酒故交雲雨

散惟有病相尋空齋為老伴蕭條燈火冷寒夜何時且勸僕

老矣舊隱賦歸哉東望峨眉小廬山翠作堆頰東廬山絕

蘇州姚氏三瑞堂姚氏世以萃稱

君不見董邵南隱居行義孝且慈未公亦恐無人知故令雞  
狗相哺兒又令韓老為作詩爾來三百年名與淮水東南馳  
此人世不乏此事亦時有楓橋三端皆目見天意宛在虞鱉  
後惟有此詩非昔人君更往求無價手

莫笑銀杯小答喬大博

陶潛一縣令獨飲仍獨醒猶將公田二頃五十畝種秫作酒  
不種秔我今號為二千石歲釀百石何以醉賓客請君莫笑  
銀杯小爾來歲旱東海窄會當拂衣歸故丘作書貸粟監河  
侯萬斛注著著美酒與君一生長拍浮

送段屯田分得于字

卷二十一

東坡佳六

十五

勸農使者古丈夫不惜春衫踐泥塗三事靡盬君甚劬奉常  
客卿虬兩須東武縣令天馬駒泮宮先生非俗儒相與野飲  
四子俱樂哉此樂城中無溪邊策杖自攜壺嘗笏不煩何易  
于膠西病守老且迂空齋愁坐紛墨朱四十豈不知頭顱畏  
人不出何其愚

和段屯田荆林館

南山有佳色無人空自奇清詩為題品草木變芬菲謝女得  
秀句留待中郎歸便當勤鞭策僕勸馬亦飢段有姪女在密

贈上天竺辯才師

南北一山門上下兩天竺中有老法師瘦長如鶴鵠不知修  
何行碧眼照山谷見之自清涼洗盡煩惱毒坐令一郡會勇  
文禮白足我有長頭兒角頰峙屋玉四歲不知行抱負頰背

腹師來為摩頂起走赴奔鹿乃知戒律中妙用謝羈束何必  
言法華佯狂啖魚肉

遊廬山次韻章傳道

塵容已似服轅駒野性猶同縱壑魚出入巖壑千仞表較量  
筋力十年初雖無窈窕驅前馬還有鷓夷挂後車莫笑吟詩  
淡生活當令阿買為君書

廬山五詠

廬山五詠

圖經云教素博士  
遊羅此山遂得道

上界足官府飛昇亦何益還在此山中相逢不相識

飲酒臺

博士雅好飲空山誰與娛莫向驪山去君王不喜儒

聖燈巖

三百三十八

東坡集卷六

十六

石室有金丹山神不知祕何必露光芒夜半驚童稚

三泉

皎皎巖下泉無人還自潔不用比三星清光同一月

障日峯

其狀類我  
眉但小耳

長安自不遠蜀客若思歸莫教名障日喚作小峨眉

東坡集卷第六

東坡集卷第六





錫山

東坡集卷第七

詩八十五首

次韻章傳道喜雨

舊常山而得

去年夏旱秋不雨海畔居民飲鹹苦今年春暖欲生蠃地上  
 戢戢多於土預憂一旦開兩翅口吻如風那肯吐前時渡江  
 入吳越布陣橫空如項羽夫歲錢塘見飛蝗自西北來極可畏農夫拱手但垂  
 泣人力區區固難禦撲綠瓊尾困牛馬啖齧衣服穿房立坐  
 觀不救亦何心東界炎火傳自古荷鋤散掘誰敢後得米濟  
 飢還小補常山山神信英烈搗駕雷公訶電母應憐郡守老  
 且愚欲把瘡痍手摩撫山中歸時風色變中路已覺商羊舞  
 夜聽騷騷開松竹朝畦泣泣流膏乳從來蝗旱必相資此事  
 吾聞老農語庶將積潤掃遺孽收拾蠲蠹還明主縣前已窘  
 八千斛東前率以一勝完一畝更看蠶婦過初眠

謝郡人田資二生獻花

城裏田負外城西賀秀才不愁家四壁自有錦千堆瓊重尤  
 奇品艱難最後開芳心困落日薄艷戰輕雷昨日老守仍多  
 病壯懷先已灰懇懇此槩者賀三攀折為誰哉玉腕搯紅  
 袖金罇瀉白醅何當鑷霜鬢強插滿頭迴

惜花

吉祥寺中錦千堆錢塘前年賞花真盛哉道人勸我清明  
 來響鼓百面如春雷打徹涼州花自開沙河塘上插花回醉



倒不覺吳兒哈豈知如今雙鬢摧城西古寺沒蒿萊有僧閑  
門手自栽千枝萬葉巧翦裁就中一叢何所似馬腦盤成金  
縷杯而我食菜方清齋對花不飲花應猜夜來雨雹知李梅  
紅殘綠暗吁可哀

和頓教授見寄

用除夜韻

我笑陶淵明種秫二頃半婦言既不用還有責子歎無絃則  
無琴何必勞撫玩我笑劉伯倫醉髮蓬茆散二豪苦不納獨  
以鋪自伴既死何用埋此身同夜旦孰云二子賢自結兩重  
按笑人還自笑出口談治亂一生溷塵垢晚以道自盥無成  
空得懶坐此百事緩仄聞頓夫子講道出新貫豈無一尺書  
恐不記庸懦陋邦貧見病數米銖稱炭慙愧章先生十日坐  
空館袖中出子詩貪讀酒屢煖狂言各須慎勿使輸薪粲

四十四

東七

三

余

和子由四首

韓太祝送遊太山

偶作郊原十日游未應回首厭籠囚但教塵土驅馳足終把  
雲山爛漫酬聞道逢春思濯錦便須到處覓菟裘恨君不上  
東封頂夜看金輪出九幽

送春

夢裏青春可得追欲將詩句絆餘暉酒闌病客惟思睡蜜熟  
黃蜂亦懶飛芍藥櫻桃俱掃地病過此物鬢絲禪榻兩忘機憑  
君借取法界觀一洗人間萬事非來書去近看此書余未嘗見也

首夏官舍即事

安石榴花開寂遲絳裙深樹出幽菲吾廬想見無限好客子  
倦遊胡不歸坐上一樽雖得滿古來四事巧相違令人却憶

湖邊寺垂柳陰陰書掩扉

送李供備席上和李詩

家聲赫奕蓋并涼也解微吟錦瑟傍  
擊水取魚湖起浪引杯看劍坐生光  
風流別後人人憶才器歸來種種長  
不用更貪窮事業風騷分付與沉湘

西齋

西齋深且明中有六尺牀病大朝睡足危坐覺日長昏昏既非醉踽踽亦非狂  
褰衣竹風下穆然中微涼起行西園中草木含幽香榴花開一枝柔棗沃以光  
鳴鳩得美蔭困立忘飛翔黃鳥亦自喜新音變圓吭杖藜觀物化亦以觀我生萬物各得時我生日皇皇

小兒

小兒不識愁起坐牽我衣我欲嗔小兒老妻勸兒癡兒癡君更甚不樂愁何爲  
還坐愧此言洗盞當我前大勝劉伶婦區區爲酒錢

寄劉孝叔

君王有意誅驕虜椎破銅山鑄銅虎  
聯翩三十七將軍走馬西來各開府  
南山伐木作車軸東海取鼉漫戰鼓  
汗流奔走誰敢後恐乏軍興汙資斧  
保甲連村團未遍方田訟牒紛如雨  
爾來手實降新書抉剔根株窮脉絡  
詔書惻怛信深厚吏能淺薄空勞苦  
平生學問止流俗衆裏笙竽誰比數  
忽令獨奏鳳將雛倉卒欲吹那得譜  
况復連年苦飢饉剝蝟草木啖泥土  
今年雨雪頗應時又報蝗蟲生翅股  
憂來洗盞欲強醉寂寞虛齋卧空甌  
公厨十日不生煙更望紅裙踏筵舞  
故人

屢寄山中信只有當歸無別語方將雀鼠偷太倉未肯衣冠  
掛神武吳興丈人真得道平日立朝非小補自從四方冠蓋  
開歸作二浙湖山主高蹤已自雜漁釣大隱何曾弃簪組去  
年相從殊未足問道已許談其粗逝將弃官往卒業俗緣未  
盡那得覩公家只在雲溪上上有白雲如白羽應憐進退苦  
皇皇更把安心教初祖

### 孔長源挽詞二首

少年才氣冠當時晚節孤風益自奇君勝宜為夫子後林宗  
不愧蔡邕碑南荒尚記誅元惡東越誰能事細兒耆舊如今  
幾人在為君無憾為時悲

小堰門頭柳繫船吳山堂上月侵筵潮聲半夜千巖響詩句  
明朝萬口傳

長源自越過抗夜飲有美堂上聯句長源詩云  
天目遠隨雙鳳落海門遙蹙兩潮趨一坐無善

四十一

東前七

四

古

豈意日斜庚子後忽驚歲在己辰年佳城一閉無窮事南望  
題詩淚灑牋

### 寄呂穆仲寺丞

孤山寺下水侵門每到先看醉墨痕楚相未云談笑是中郎  
不見典刑存抗有伶人善學呂舉范別  
似別後常令作之以為笑君先去踏塵埃陌我  
亦來尋桑棗村回首西湖真一夢灰心霜鬢更休論

### 余主簿母挽詞

閨庭蘭玉照鄉閭自昔雖貧樂有餘豈獨家人在中餽却因  
麟趾識關雎雲耕忽已歸仙府喬木依然擁舊廬忍把還鄉  
千斛淚一時灑向老萊裾

### 送趙寺丞寄陳海州

景疎樓上喚峨眉君到應先誦此詩若見孟公投轄飲莫忘

衝雪送君時

答陳述古二首

漫說山東第二州，棗林桑泊負春遊。城西亦有紅千葉，人老簪花却自羞。

小桃破萼未勝春，羅綺叢中第一人。聞道使君歸去後，舞衫歌扇揔生塵。陳有小妓迷古稱之

張安道樂全堂

列子馭風殊不惡，猶被莊生譏數數。步兵飲酒中散琴，於此得全非至樂。樂全居士全於天，維摩丈室空脩然。平生痛飲今不飲，無琴不獨琴無絃。我公天與英雄表，龍章鳳姿照魚鳥。但令端委坐廟堂，北狄西戎談笑了。如今老去苦思歸，小字親書寄我詩。試問樂全全底事，無全何處更求虧。

四二丹二

前七

五

松

張文裕挽詞

高才本出朝廷右，能事空推德業餘。每見便聞曹植句，至今傳寶魏華書。濟南名士新凋喪，劔外生祠已繫除。欲寄西風兩行淚，依然喬木鄭公廬。

懷西湖寄晁美叔同年

西湖天下景，遊者無愚賢。深淺隨所得，誰能識其全。嗟我本狂直，早為世所捐。獨專山水樂，付與寧非天。三百六十寺，幽尋遂窮年。所至得其妙，心知口難傳。至今清夜夢，耳目餘芳鮮。君持使者節，風采爍雲煙。清流與碧巘，安肯為君妍。胡不屏騎從，暫借僧榻眠。讀我壁間詩，清涼洗煩煎。策杖無道路，直造意所便。應逢古漁父，葦間自寅緣。問道若有得，買魚勿論錢。

和梅戶曹會獵鐵溝

山西從古說三明誰信儒冠也捍城竿上鯨鯢猶未掩近泉數盜  
草中狐兔不須驚東州趙叟飲無敵南國梅仙詩有聲不向  
如臯閑射雉歸來何以得卿卿是日惟梅趙不射

祭常山回小獵

青蓋前頭點皂旗黃茅岡下出長圍弄風騎馬跑空立趁兔  
蒼鷹掠地飛回望白雲生翠嶽歸來紅葉滿征衣 聖朝若  
用西涼簿白羽猶能效一揮

和章七出守湖州二首

方丈仙人出渺茫高情猶愛水雲鄉功名誰使連三捷身世  
何緣得兩忘早歲歸休心共在他年相見話偏長只應未報  
君恩重清夢時時到玉堂

三九六

前七

六

公

絳闕雲臺揔有名應須極貴又長生鼎中龍虎黃金賤松下  
龜蛇綠骨輕君好爐火而餌伏苓雲水未渾纓可濯弁峯初見眼應明  
兩卮春酒真堪羨獨占人間分外榮

和張子野見寄三絕句

前生我已到杭州到處長如到舊遊更欲洞霄為隱吏一庵  
閑地且相留過舊遊

狂吟跌宕無風雅醉墨淋漓不勅齊應為詩人一回顧山僧  
未忍掃黃泥見題壁

栢堂南畔竹如雲此閣何人是主人但遣先生披鶴氅不須  
更畫樂天真竹閣見憶

和蔣夔寄茶

我生百事常隨緣四方水陸無不便扁舟渡江適吳越三年

飲食窮芳鮮金齏玉餽飯炊雪海螯江柱初脫泉臨風飽食  
甘寢罷一甌花乳浮輕圓自從捨舟入東武沃野便到桑麻  
川翦毛胡羊大如馬誰記鹿角腥盤筵厨中丞粟埋飯甕大  
杓更平取酸生涎拓羅銅張弃不用脂麻白土須盆研故人  
猶作舊眼看謂我好尚如當年沙溪北苑強分別水脚一線  
爭誰先清詩兩幅寄千里紫金百餅費萬錢吟哦享唯兩奇  
絕只恐偷乞煩封纏老妻稚子不知愛一半已入薑鹽煎人  
生所遇無不可南北嗜好知誰賢死生既福久不擇更論甘  
苦爭蚩妍知君窮旅不自釋因詩寄謝聊相鑿

荅李邦直

美人如春風著物物未知羈愁似冰雪見子先流漸子從徐  
方來吏民舉熙熙扶病出見之驚我一何衰知我久慵倦起

四百十六

東坡前七

七

五

我以新詩詩詞如醇酒盎然薰四支徑飲不覺醉欲和先昏  
疲西齋有蠻帳風雨夜紛披放懷語不擇撫掌笑脫頤別來  
今幾何春物已含姿柳色日夜暗子來竟何時徐方雖云樂  
東山禁遊嬉又無狂太守何以解憂思聞子有賢婦華堂詩  
蝨斯盍不倒囊橐膏六翮買蛾眉不用教絲竹唱我新歌詞

和文與可洋川園池三十首

湖橋

朱欄畫柱照湖明白葛烏紗曳履行橋下龜魚晚無數識君  
拄杖過橋聲

橫湖

貪看翠蓋擁紅粧不覺湖邊一夜霜卷却天機雲錦段從教  
匹練寫秋光

書軒

兩昏石硯寒雲色風動牙籤亂葉聲庭下已生書帶草使君疑是鄭康成

冰池

不嫌冰雪遠池看誰似詩人巧耐寒記取羲之洗硯處碧琉璃下黑蛟蟠

竹塢

晚節先生道轉孤歲寒惟有竹相娛蠹才杜牧真堪笑喚作軍中十萬夫

秋浦

兩折霜乾不耐秋白花黃葉使人愁月明小艇湖邊宿便是江南鸚鵡洲

望雲樓

秋歸南浦蝶姑鳴霜落橫湖沙水清卧雨幽花無限思抱叢寒蝶不勝情

望雲樓

陰晴朝暮幾回新已向虛空付此身出本無心歸亦好白雲還似望雲人

天漢臺

漾水東流舊見經銀潢左界上通靈此臺試向天文覓閣道中間第幾星

待月臺

月與高人本有期挂簷低戶映蛾眉只從昨夜十分滿漸覺冰輪出海遲



二樂榭

此間真趣豈容談二樂并君已是三仁智更煩訶妄見坐令  
曾叟作瞿曇

來詩云二見因妄生

瀟泉亭

聞道池亭勝兩川應須爛醉答雲煙勸君多揀長腰米消破  
亭中萬斛泉

吏隱亭

縱橫憂患滿人間頗怪先生日日閑昨夜清風眠北牖朝來  
爽氣在西山

霜筠亭

解籜新篁不自持嬋娟已有歲寒姿要看凜凜霜前意須待  
秋風粉落時

子子五十一

東坡集七

九

無言亭

慙勤稽首維摩詰敢問如何是法門彈指未終千偈了向人  
還道本無言

露香亭

亭下佳人錦繡衣滿身瓔珞綴明璣晚香消歇無尋處花已  
飄零露已晞

函虛亭

水軒花榭兩爭妍秋月春風各自偏惟有此亭無一物坐觀  
萬景得天全

溪光亭

決去湖波尚有情却隨初日動簷楹溪光自古無人畫憑仗  
新詩與寫成

過溪亭

身輕步穩去忘歸四柱亭前野竹微忽悟過溪還一笑水禽  
驚落翠毛衣

板錦亭

煙紅露綠曉風香燕舞鶯啼春日長誰道使君貧且老繡屏  
錦帳咽笙簧

楔亭

曲池流水細鱗鱗高會傳觴似洛濱紅粉翠蛾應不要畫船  
來往勝於

齒苔亭

日日移床趁下風清香不盡思何窮若為化作龜千歲巢向  
田田亂葉中

東坡七

十

茶蘼洞

長憶故山寒食夜野茶蘼發暗香來分無素手簪羅髻且折  
霜蕤浸玉醅

篔簹谷

漢川脩竹賤如蓬斤斧何曾赦籜龍料得清貧饒太守渭濱  
千畝在胸中

寒蘆港

溶溶晴港漾春暉蘆筍生時柳絮飛還有江南風物否桃花  
流水鱖魚肥

野人廬

少年辛苦事犁鋤剛厭青山遶故居老覺華堂無意味却須  
時到野人廬

此君庵

寄語庵前抱節君與君到處合相親寫真雖是文夫子我亦  
真堂作記人

金橙徑

金橙縱復里人知不見鱸魚價自低須是松江煙雨裏小舩  
燒菴掃香自整

南園

不種天桃與綠楊使君應欲候農桑春畦兩過羅紈膩夏壠  
風來餅餌香

北園

漢水巴山樂有餘一麾從此首歸塗北園草木憑君問許我  
他年作主無

東七

寄題刁景純藏春塢

白首歸來種萬松待看千尺舞垂霜風年拋造物陶甄外春在  
先生杖屨中揚柳長齊低下暗櫻桃爛熟滿塔紅何時却與  
徐元直共訪襄陽龐德公

王盤盂二首 并序

東武舊俗每歲四月大會于南禪資福兩寺以芍藥供佛而  
今歲最盛凡七十餘朵皆重柎累萼繁麗曲且碩中有白花正  
圓如覆盂其下十餘葉稍大承之如盤姿格絕異獨出於七  
千朵之上云得之於城北蘇氏園中周宰相莒公之別業也  
而其名徑甚乃為易之

雜花狼籍占春餘芍藥開時掃地無兩寺粧成窈窕纓絡一枝  
爭看玉盤盂佳名會作新翻曲絕品難尋舊畫圖從此定知

年穀熟姑山親見雪肌膚

花不能言意可知今君痛飲更無疑但持白酒勸嘉客直待  
瓊舟覆玉彝負郭相君初擇地看羊屬國首吟詩吾家豈與  
花相厚更問殘芳有幾枝

和潞公超然臺次韻

我公厭富貴常苦勲業尋相期赤松子永望白雲岑清風出  
談笑萬竅為號吟吟成超然詩洗我蓬之心嗟我本何人麋  
鹿強冠襟身微空志大交淺屢言深囑公如得謝呼我幸寄  
音但恐酒錢盡煩公揮橐橐金

聞喬大博換左藏知欽州以詩招飲

今年果起故將軍幽夢清詩信有神馬革裹尸直絕事虎頭  
食肉更何人陣雲冷壓黃茆瘴羽扇斜揮白葛巾痛飲從今

四三十一

東前七

有幾日西軒月色夜來新

吞向將行烹鳩鹿出刀劔以飲客以詩戲之

破匣哀鳴出素虬倦看鴟鴞聽吻吻明朝只恐兼烹鶴此去  
還須却佩牛便可知呼報恩子不妨仍帶醉鄉侯他年萬騎  
歸應好柰有移文在故丘

次韻劉貢父李公擇見寄二首

白髮相望兩故人眼看時事幾番新曲無和者應思郢論少  
卑之且借秦歲惡詩人無好語公擇來詩皆道  
失中飢苦之狀夜長鰥守向

誰親貢父近  
喪偶少思多睡無如我鼻息雷鳴撼四鄰

何人勸我此間來絃管生衣甑有埃淥蟻濡脣無百斛蝗蟲  
撲面已三回磨刀入谷追窮寇洒涕循城拾弃孩為郡鮮歡  
君莫歎猶勝塵土走章臺

寄黎眉州

膠西高處望西川應在孤雲落照邊  
瓦屋寒堆春後雪峨眉翠掃雨餘天  
治經方笑春秋學好士今無六一賢

君以春秋受知於歐

陽文忠公公自號六一居士

且待淵明賦歸去共將詩酒趁流年

和趙郎中捕蝗見寄次韻

麥穞人許長穀苗牛可沒天公獨何意  
忍使蝗蟲發驅攘著令典農事安可忽  
我僕既胼胝我馬亦款矻飛騰漸云少  
筋力亦已竭苟無百篇詩何以醒睡兀  
初如疏吠澮漸若決解渤往來供十吏  
腕脫不容歇平生輕妄庸孰視笑魏勃  
愛君有逸氣詩壇專斬伐民病何時休  
吏職不可越慎無及世事向空書咄咄

登常山絕頂廣麗亭

四十四

東坡一

十三

松

西望穆陵關東望琅邪臺南望九仙山  
北望空飛埃相將叫虞舜遂欲歸蓬萊  
嗟我二三子狂飲亦荒哉紅裙欲仙去  
長笛有餘哀清歌入雲霄妙舞纖腰回  
自從有此山白石封蒼苔何嘗有此樂  
將去復徘徊人生如朝露白髮日夜催  
弃置當何言萬劫終飛灰

薄薄酒二首并叙

膠西先生趙明叔家貧好飲不擇酒而醉  
常云薄薄酒勝茶湯醜醜婦勝空房  
其言雖俚而近乎達故推而廣之以補東  
州之樂府既又以爲未也復自和一篇聊以  
發覽者之一喙云耳

薄薄酒勝茶湯麤麤布勝無裳醜妻惡妾  
勝空房五更待漏靴滿霜不如三伏日高  
睡足北窗涼珠襦玉柙萬人祖送歸

北邙不如懸鶉百結獨坐負朝陽生前富貴死後文章百年  
聊息萬世忙夷齊盜蹠俱亡羊不如眼前一醉是非憂樂都  
兩忘

薄薄酒飲兩鍾麤麤布著兩重美惡雖異醉暖同醜妻惡妾  
壽乃公隱居求志義之從本不計較東華塵土北窻風百年  
雖長要有終富死未必輸生窮但恐珠玉留君容千載不朽  
遭樊崇文章自足欺盲聾誰使一朝富貴面發紅達人自達  
酒何功世間是非憂樂本來空

同年王中南挽詞

先帝親收十五人四方爭看擊鵬鯤如君才業真堪用顧我  
衰遲不足論出處陞沉十年後死生契闊幾人存他時京口  
尋遺迹宿草猶應有淚痕

仁宗朝賢良十五人今惟富鄭公

張宣猷錢純老及余與舍弟在耳

西

百六十一

七月五日二首

避諂詩尋醫畏病酒入務蕭條北窻下長日誰與度今年苦  
炎熱草木困薰煮况我早衰人幽居氣如縷秋來有佳興林  
稻已含露還復此微吟往和糟床注

何處覓新秋蕭然北臺上秋來未云幾風日已清亮雲間聳  
孤翠林表浮遠漲新棗漸堪剥晚瓜猶可餉西風送落日萬  
竅含悽悵念當急行樂白髮不汝放

趙郎中見和戲復答之

趙子吟詩如潑水一揮二百八十字奈何效我欲尋醫恰似  
西施藏白地趙子飲酒如淋灰一年十萬八千盃若不令君  
早入務飲竭東海生黃埃我衰臨政多繆錯羨君精采如秋  
鷄頗哀老子今日飲為君坐嘯主畫諾

次韻周邠寄鴈蕩山園二首

指點先憑採藥翁丹青化出大槐宮眼明小閣浮煙翠齒冷  
新詩嚼雪風二華行觀雄陝右九仙今已壓京東將赴河中國  
密通太華

九仙在東武奇  
秀不減鴈湯也此生的有尋山八分已覺温台落手中

西湖三載與君同馬入塵埃鶴入籠東海獨來看出日石橋  
先去踏長虹遙知別後添華髮時向樽前說病翁所恨蜀山  
君未見他年携手醉郾筒

送碧香酒與趙明叔教授

聞君有婦賢且廉勸君慎勿為楚相不羨紫駝分御食自遣  
赤脚沽村釀嗟君老狂不知愧更吟醜婦惡嘲謗諸生聞話  
定失笑冬暖號寒卧無帳碧香近出帝子家鵝兒破殼酥流  
盎不學劉伶獨自飲一壺徃助齊眉餉

四十一

東前七

十五

子凡

趙既見和復次韻答之

長安小吏天所放日夜歌呼和丞相豈知後世有阿瞞瞞言  
公  
餘之北海樽前按私釀先生未出禁酒國詩語孤高常近謗  
幾回無酒欲沽君却畏有司書簿帳近制公使酒  
過法甚重酸寒可笑  
分一斗日飲如何足袁盎更將險語壓衰翁只恐自是臺無餉

趙郎中往莒縣逾月而歸復以一壺遺之仍用元韻

東隣主人遊不歸悲歌夜夜聞春相門前人鬧馬嘶急一家  
喜氣如春釀王事何曾怨獨賢室人豈忍交謫謗大兒踉蹌  
越門限小兒啞語繡帳定教舞袖掣伊涼更想夜庖鳴鑿  
盎題詩送酒君勿謂免使退之嘲一餉

蘇潛聖挽詞

妙齡馳譽百夫雄晚節志懷大隱中悃悃無華真漢吏文章

爾雅稱吾宗趨時肯負平生志有子還應不死同惟我閑思  
十年事數行老淚寄西風

東坡集卷第七







